

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 20 MAC 2012, PUKUL 10.00 PAGI

Bil. 6

PERTANYAAN-PERTANYAAN BAGI JAWAB LISAN

1. PR-1251-L47571
Tuan Salleh bin Kalbi [Silam] minta **MENTERI PERTANIAN DAN INDUSTRI ASAS TANI** menyatakan apakah bentuk sokongan yang dapat disalurkan Kerajaan untuk membangunkan Parlimen Silam sebagai hub industri memproses rumpai laut (*seaweed*) terutamanya dalam memperhebatkan usaha-usaha penyelidikan dan pembangunan bagi melonjakkan sektor ini sebagai industri utama yang dapat memacu pertumbuhan ekonomi rakyat.
2. PR-1251-L49072
Tuan Muhammad bin Husain [Pasir Puteh] minta **MENTERI PENGANGKUTAN** menyatakan adakah Kerajaan bercadang untuk menentukan had umur kenderaan bermotor yang dibenarkan menggunakan jalan raya.
3. PR-1251-L47346
Datuk Billy Abit Joo [Hulu Rajang] minta **MENTERI PERUSAHAAN PERLADANGAN DAN KOMODITI** menyatakan apakah terdapat apa-apa bantuan daripada pihak Kementerian untuk memudahkan pengusaha ladang-ladang komersial kecil seperti getah, koko, lada dan kelapa sawit memperolehi pinjaman terutamanya daripada agensi-agensi Kerajaan serta bank komersial untuk memperkembangkan ladang mereka. Institusi-institusi ini kini menetapkan syarat-syarat yang seringkali tidak dapat dipenuhi oleh pengusaha kecil ini terutamanya menyediakan geran tanah sebagai cagaran pinjaman.
4. PR-1251-L47859
Puan Chong Eng [Bukit Mertajam] minta **MENTERI SUMBER ASLI DAN ALAM SEKITAR** menyatakan :-
 - (a) perkembangan terkini projek-projek tebatan banjir yang melibatkan Sungai Rambai, Sungai Juru, Sungai Junjung dan kawasan Permatang Rawa; dan

- (b) jumlah peruntukan untuk projek-projek ini dan jangka masa untuk tempoh persiapan projek.

5. PR-1251-L48141

Tuan Mohd Nizar bin Zakaria [Parit] minta **MENTERI PENERANGAN, KOMUNIKASI DAN KEBUDAYAAN** menyatakan supaya kajian semula bayaran perkhidmatan internet yang mana talian telah disekat akan tetapi bayaran perkhidmatan masih terus dikenakan serta mengkaji semula kadar bayaran yang terlalu tinggi berbeza dengan talian telefon di mana bayaran perkhidmatan dikenakan atas sebab talian masih boleh dihubungi.

6. PR-1251-L47790

Tuan Fong Kui Lun [Bukit Bintang] minta **PERDANA MENTERI** menyatakan cadangan dan rancangan Suruhanjaya Pengangkutan Awam Darat Malaysia (SPAD) untuk memperkemas dan meningkatkan perkhidmatan pengangkutan awam di Bandaraya Kuala Lumpur bagi mengurangkan kebergantungan pengangkutan persendirian dalam bandar.

7. PR-1251-L47182

Dato' Dr. Mohamad Shahrum bin Osman [Lipis] minta **MENTERI PENGAJIAN TINGGI** menyatakan :-

- (a) setakat mana Institusi Pengajian Tinggi Awam (IPTA) membuat persediaan dari segi menambahkan jumlah penerbitan bahan ilmiah dalam Bahasa Melayu bagi jurusan sains dan teknologi; dan
- (b) apakah Institusi Terjemahan Negara Malaysia membantu Kementerian dalam meningkatkan bahan rujukan ilmiah pelbagai bahasa kepada Bahasa Melayu.

8. PR-1251-L47703

Tuan Kulasegaran A/L Murugeson [Ipoh Barat] minta **MENTERI KESIHATAN** menyatakan :-

- (a) jumlah bilangan aduan awam yang telah diterima atas kecuai doktor Kerajaan dan apakah hasil siasatan setakat ini; dan
- (b) butir-butir tentang kekurangan doktor, doktor pakar (general practitioners and specialists) di hospital Kerajaan dan langkah-langkah yang diambil untuk menyelesaikan masalah tersebut.

9. PR-1251-L47657

Dato' Lilah bin Yasin [Jempol] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan :-

- (a) apakah kejayaan Produk 1Malaysia; dan

- (b) sejauh manakah dasar ini dapat dinikmati oleh rakyat seluruh negara dan apakah kesan jangka panjang kepada negara Malaysia.
10. PR-1251-L48180
Dr. Lee Boon Chye [Gopeng] minta **MENTERI SAINS, TEKNOLOGI DAN INOVASI** menyatakan bagaimana Kementerian menjamin keselamatan tapak pembuangan sisa dari kilang ARE kepunyaan Mitsubishi Chemical sejak ARE berhenti beroperasi pada tahun 1992.
11. PR-1251-L48713
Dato' Haji Ismail Bin Haji Mohamed Said [Kuala Krau] minta **PERDANA MENTERI** menyatakan status permohonan Jabatan Kehakiman Syariah Negeri Pahang bagi memiliki bangunan ibu pejabat sendiri yang telah dibuat di dalam Rancangan Malaysia ke 10 (RMK-10).
12. PR-1251-L48702
Tuan Chua Tian Chang [Batu] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan :-
- (a) Sejauh manakah kewajaran memaksa pengusaha memaparkan logo 1Malaysia ke atas barang kawalan dan subsidi akan ditarik sekiranya pengusaha gagal berbuat demikian; dan
- (b) berapakah jumlah perbelanjaan Kerajaan bagi Kedai Rakyat 1Malaysia dan menu rakyat 1Malaysia sejak pelancarannya.
13. PR-1251-L47550
Tuan Ding Kuong Hiing [Sarikei] minta **MENTERI KESIHATAN** menyatakan apakah status penubuhan Klinik 1Malaysia di Sarikei dalam masa terdekat. Nyatakan juga jumlah Klinik 1Malaysia di seluruh negeri Sarawak dan jumlah perbelanjaan sejak klinik ini ditubuhkan.
14. PR-1251-L49011
Dr. Michael Jeyakumar Devaraj [Sungai Siput] minta **MENTERI KEWANGAN** menyatakan jumlah saham Tenaga Nasional Berhad (TNB) yang dipegang oleh Kerajaan Malaysia sehingga TNB di korporatkan, dan jumlah saham yang dijual kepada pihak-pihak swasta di pasaran saham setiap tahun sehingga sekarang. Juga nyatakan harga purata bagi saham TNB untuk setiap tahun.
15. PR-1251-L49105
Datuk Haji Yusoff bin Haji Mahal [Labuan] minta **MENTERI PELAJARAN** menyatakan apakah tindakan yang telah dilakukan dalam menangani kes kesalahan salah cetak slip keputusan SPM yang membabitkan tujuh pelajar Sekolah Menengah Kebangsaan (P) St. George Pulau Pinang.

16. PR-1251-L48299
Dato' Kamarudin Bin Jaffar [Tumpat] minta **MENTERI SUMBER ASLI DAN ALAM SEKITAR** menyatakan apakah langkah-langkah baru yang akan dibuat oleh Kementerian untuk mengelakkan banjir akibat daripada limpahan Sg. Golok yang dibenteng oleh Kerajaan Thailand tapi tidak dibenteng oleh Kerajaan kita.
17. PR-1251-L47843
Datuk Hajah Norah binti Abd Rahman [Tanjong Manis] minta **MENTERI PERTANIAN DAN INDUSTRI ASAS TANI** menyatakan :-
- (a) bilakah jangkaan Malaysia akan mencapai status mampu diri dari segi pembekalan makanan kerana ketika ini bil impot makanan sudah mencecah RM15 bilion setahun; dan
 - (b) apakah insentif-insentif bagi petani dan penternak yang berskala besar.
18. PR-1251-L47938
Tuan Khalid bin Abdul Samad [Shah Alam] minta **MENTERI KEWANGAN** menyatakan dari mana Kerajaan Pusat telah memperolehi pinjaman 'dalam negeri' dan berapakah jumlah yang diambil dari KWSP.
19. PR-1251-L47194
Datuk Dr. Marcus Mojigoh [Putatan] minta **MENTERI PERTANIAN DAN INDUSTRI ASAS TANI** menyatakan :-
- (a) apakah pendirian Malaysia mengenai laporan Traffic International yang menempatkan Malaysia sebagai "10 ke atas" bagi pemburuan ikan yu; dan
 - (b) apakah rancangan Kerajaan bagi mengatasi pemburuan ikan yu ini.
20. PR-1251-L48608
Dr. Hiew King Cheu [Kota Kinabalu] minta **MENTERI KESIHATAN** menyatakan kenapa hanya seorang doktor di Hospital Tenom dan cara-cara untuk meningkatkan kelengkapan kesihatan di daerah-daerah pedalaman Sabah.
21. PR-1251-L48182
Datin Linda Tsen Thau Lin [Batu Sapi] minta **MENTERI TENAGA, TEKNOLOGI HIJAU DAN AIR** menyatakan bilakah bekalan elektrik di Sabah, terutamanya di Pantai Timur seperti di kawasan Sandakan dapat dipertingkatkan. Apakah langkah-langkah yang telah diambil untuk mengurangkan gangguan bekalan elektrik di kawasan berkenaan.

22. PR-1251-L47356
Tuan Mohsin Fadzli bin Haji Samsuri [Bagan Serai] minta **MENTERI PENERANGAN, KOMUNIKASI DAN KEBUDAYAAN** menyatakan kenapa penggunaan perisian Emergensys dalam MERS 999 masih digunakan oleh Telekom Malaysia walhal perisian tersebut gagal dalam mengatasi kelewatan ambulan, bomba dan panggilan palsu. Berapakah kos pengendaliannya dan luas perkhidmatannya.
23. PR-1251-L47996
Tuan Liang Teck Meng [Simpang Renggam] minta **MENTERI PERTANIAN DAN INDUSTRI ASAS TANI** menyatakan bagaimanakah Kementerian menentukan agihan kuota beras subsidi ST15 kepada pemborong yang layak. Bilakah Kementrian akan melaksanakan skim SUBUR untuk menggantikan skim beras subsidi ST15 ini.
24. PR-1251-L49049
Puan Teresa Kok Suh Sim [Seputeh] minta **MENTERI KEWANGAN** menyatakan Dana Marris yang diperuntukkan kepada DBKL pada tahun 2007, 2008, 2009, 2010 dan 2011. Sila nyatakan asas dan garis panduan Kementerian dalam pemberian dana MARRIS kepada Kerajaan Negeri.
25. PR-1251-L47230
Datuk Siringan bin Gubat [Ranau] minta **MENTERI PELAJARAN** menyatakan setakat mana pelaksanaan projek pembinaan SMK. Kemburongoh dan SMK. Bundu Tuhan mengikut peratusan kerana penyiapannya agak terlewat. Apakah tindakan yang telah diambil untuk menyelesaikan masalah tersebut.
26. PR-1251-L48120
Tuan Mohd. Abdul Wahid bin Endut [Kuala Terengganu] minta **MENTERI SUMBER ASLI DAN ALAM SEKITAR** menyatakan sama ada kajian alam sekitar EIA (Enviromental Impact Assessment) dibuat terhadap projek ternakan udang i-SHARP oleh Syarikat Blue Archipelago di Setiu Terengganu yang menyebabkan dua kali berlaku banjir luar biasa di kawasan tersebut musim tengkujuh yang lalu.
27. PR-1251-L49114
Datuk Halimah binti Mohd Sadique [Tenggara] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan jumlah penggunaan gula bagi tahun 2011 dan nyatakan langkah Kerajaan bagi memastikan harga gula di pasaran terus kekal RM2.30 sekilogram.
28. PR-1251-L48790
Tuan Tan Kok Wai [Cheras] minta **MENTERI PELAJARAN** menyatakan jumlah peruntukan pembangunan yang disediakan bagi setiap aliran Sekolah Kebangsaan, SRJK Cina dan Tamil sepanjang tahun 2011 dan jumlah bilangan dan peruntukan setiap aliran sekolah rendah setakat ini.

29. PR-1251-L48032
Datuk Sapawi bin Haji Ahmad [Sipitang] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan jumlah premis makanan yang menyertai Program Menu Rakyat 1Malaysia (MR1M) setakat ini.
30. PR-1251-L48558
Tuan Er Teck Hwa [Bakri] minta **MENTERI PELAJARAN** menyatakan jumlah guru-guru yang tidak mempunyai kelayakan dalam pengajaran Bahasa Cina yang dihantar ke SJKC dari tahun 2005 ke 2012 berdasarkan pecahan mengikut negeri. Senaraikan jumlah mesyuarat di antara Kementerian dengan Dong Jiao Zong dari 2005 ke 2012 mengenai isu ini.
31. PR-1251-L48329
Datuk Wee Jeck Seng [Tanjong Piai] minta **MENTERI PEMBANGUNAN WANITA, KELUARGA DAN MASYARAKAT** menyatakan langkah-langkah yang diambil untuk mengatasi masalah pemuda-pemudi yang melarikan diri dari rumah terutamanya remaja wanita.
32. PR-1251-L48635
Tuan John A/L Fernandez [Seremban] minta **MENTERI PENGAJIAN TINGGI** menyatakan apakah langkah-langkah yang diambil oleh pihak Kementerian untuk meningkatkan lagi mutu dan kualiti graduan dari Universiti Malaya agar setanding dengan graduan dari universiti terkemuka di dunia.
33. PR-1251-L48047
Dato' Seri Zahrain Mohamed Hashim [Bayan Baru] minta **MENTERI KERJA RAYA** menyatakan apakah bebanan kepada Kerajaan Persekutuan jika tol di Jalan Sungai Nyiur, Butterworth dihapuskan.
34. PR-1251-L47160
Datuk Aaron Ago Anak Dagang [Kanowit] minta **MENTERI PELAJARAN** menyatakan jumlah sekolah di luar bandar Sarawak yang masih kekurangan rumah guru dan bilik darjah. Adakah Kerajaan mempunyai rancangan untuk memberi keutamaan kepada sekolah ini supaya masalah guru dan murid di sekolah-sekolah ini dapat diatasi dengan secepat mungkin.
35. PR-1251-L48288
Dato' Sri Ong Tee Keat [Pandan] minta **MENTERI PENGANGKUTAN** menyatakan bilangan dan destinasi laluan penerbangan antarabangsa MAS yang telah dan dijangka akan diberhentikan perkhidmatannya baru-baru ini. Sila nyatakan sebab serta jumlah kerugian yang terbabit dalam usaha menawarkan khidmat penerbangan yang berkenaan dalam tempoh kebelakangan ini.

36. PR-1251-L47648
Ir. Haji Hamim Bin Samuri [Ledang] minta **MENTERI PENGAJIAN TINGGI** menyatakan kesan/peluang pelajar daripada luar bandar tentang langkah Universiti Malaya (UM) yang akan memperketat syarat kemasukan pelajar baru bermula sesi pengambilan September ini, seperti kata Naib Canselornya, Tan Sri Dr. Ghauth Jasmon di mana bagi kursus kritikal seperti perubatan, pergigian dan sebagainya, UM menetapkan pelajar lepasan matrikulasi atau Sijil Tinggi Persekolahan Malaysia (STPM) perlu memperoleh Purata Nilai Gred Kumulatif (PNGK) maksimum 4.00 manakala bagi bidang sastera perlu memperoleh keputusan 3.50 yang dibuat berdasarkan penganugerahan status autonomi yang diberikan oleh Kerajaan.
37. PR-1251-L48494
Dato' Shamsul Anuar bin Nasarah [Lenggong] minta **MENTERI KEMAJUAN LUAR BANDAR DAN WILAYAH** menyatakan :-
- (a) apakah FELCRA merancang melaksanakan pembangunan tanah sebagaimana FELDA dan apakah ada perancangan membangunkan tanah ladang di luar negara; dan
 - (b) apakah Kementerian merancang untuk menghapuskan hutang pembangunan bagi peserta rancangan tanah FELCRA di seluruh negara.
38. PR-1251-L48613
Tuan Gobind Singh Deo [Puchong] minta **PERDANA MENTERI** menyatakan apakah tindakan Kerajaan Persekutuan untuk menyiasat dan mengumpul kembali wang-wang yang diberikan kepada NFC dan tindakan yang akan diambil terhadap pihak-pihak yang bertanggungjawab sekiranya wujud unsur jenayah atau liability sivil dalam tindakan mereka dalam menyelenggarakan wang-wang tersebut.
39. PR-1251-L48849
Dato' Haji Mahfuz bin Omar [Pokok Sena] minta **PERDANA MENTERI** menyatakan tentang perlaksanaan projek lebuh raya pantai barat:-
- (a) kenapa berlaku peningkatan dari kos asal RM 3.1 bilion kepada RM 7.1 bilion; dan
 - (b) kenapa berlaku perubahan tempoh konsesi dari 33 tahun kepada 60 tahun.
40. PR-1251-L47707
Dato' Sri Ir. Mohd Zin bin Mohamed [Sepang] minta **MENTERI KEWANGAN** menyatakan adakah Kerajaan berhasrat mewujudkan Jawatankuasa Khas bagi memantau urus tadbir setiap kali penstrukturan organisasi syarikat Berkaitan Kerajaan (GLC) bagi mengelak kerugian syarikat.

41. PR-1251-L48033
Dato' Seri Tiong King Sing [Bintulu] minta **PERDANA MENTERI** menyatakan :-
- (a) berapakah peratusan bandingan bas sekolah yang usia kenderaannya di bawah 30 tahun dan melebihi 30 tahun dalam negara ini; dan
 - (b) apakah pandangan dan tindakan pihak Kementerian dalam memberi kelulusan pembaharuan lesen baru terhadap kenderaan yang telah mendapat kelulusan daripada PUSPAKOM namun usianya lebih daripada 30 tahun.
42. PR-1251-L47969
Tuan Manogaran a/l Marimuthu [Telok Intan] minta **PERDANA MENTERI** menyatakan memandangkan kesesakan kenderaan dan peningkatan penggunaan pengangkutan awam begitu ketara di kawasan Parlimen Teluk Intan, adakah pihak Kementerian bercadang untuk mengembalikan perkhidmatan keretapi di kawasan Parlimen Teluk Intan.
43. PR-1251-L48241
Puan Fong Po Kuan [Batu Gajah] minta **MENTERI KEWANGAN** menyatakan berapakah Menteri, Timbalan Menteri dan pegawai Kerajaan dipertanggungjawabkan terhadap kegagalan mematuhi peraturan kewangan, pengurusan, perolehan harga tinggi, '*not value for money*' dan sasaran tidak tercapai yang dilaporkan dalam Laporan Audit Negara 2010. Nyatakan kes spesifik dan tindakannya, termasuk soal siasat oleh SPRM.
44. PR-1251-L48515
Tuan Haji Nasharudin bin Mat Isa [Bachok] minta **PERDANA MENTERI** menyatakan kenapakah sehingga hari ini Mahkamah Tinggi, Mahkamah Rayuan dan Mahkamah Persekutuan masih menggunakan Bahasa Inggeris sebagai bahasa perbicaraan.
45. PR-1251-L47143
Dato' Abdul Manan bin Ismail [Paya Besar] minta **MENTERI DALAM NEGERI** menyatakan mengapakah Akta DNA yang diwartakan pada tahun 2009 dilihat masih gagal dalam mendapatkan sampel DNA tertuduh walaupun terdapat peruntukan di dalam Akta tersebut supaya membenarkan sampel tertuduh untuk diambil bagi kelancaran prosiding perbicaraan.

46. PR-1251-L48580
Tuan Lim Guan Eng [Bagan] minta **PERDANA MENTERI** menyatakan mengapa tiada tender terbuka dalam pemilihan Syarikat Europlus sebagai pengusaha Lebuhraya Banting-Taiping sebanyak RM7.07 billion. Kenapa tempoh konsesi 60 tahun. Apakah jenis faedah yang diberikan iaitu bentuk pinjaman Kerajaan sebanyak RM2.24 billion, faedah konsesi dan geran untuk pengendalian tanah. Adakah konsesi merugikan 28 juta rakyat Malaysia demi kepentingan sebuah syarikat yang tiada track record dalam pembinaan lebuhraya.
47. PR-1251-L48204
Dr. Siti Mariah Binti Mahmud [Kota Raja] minta **PERDANA MENTERI** menyatakan langkah-langkah yang diambil pihak Kerajaan untuk membantu rakyat yang diisytiharkan bankrap apabila kebangkrutan mereka disebabkan oleh pihak lain (contoh - rumah terbengkalai). Adakah Kerajaan bercadang mewujudkan polisi baru untuk membezakan kebangkrutan yang disebabkan oleh penganiayaan dan kezaliman (yang bankrap adalah mangsa) daripada kebangkrutan yang disebabkan kecuai atau keengganan membayar hutang.
48. PR-1251-L48371
Tuan Lim Kit Siang [Ipoh Timur] minta **PERDANA MENTERI** menyatakan berapakah dana awam yang telah dijanjikan untuk lebih 100 Entry Point Programs (EPP) yang diumumkan setakat ini, dengan menyenaraikan 10 EPP peringkat tertinggi dalam segi pembiayaan awam yang diterima dan bagaimanakah untuk memastikan pembiayaan awam ini tidak dibazirkan atau disalah guna.
49. PR-1251-L48399
Dato' Seri Abdul Hadi bin Awang [Marang] minta **MENTERI LUAR NEGERI** menyatakan rancangan masa hadapan pihak Kerajaan Malaysia tentang hubungan diplomatik dengan Iran setelah sekatan demi sekatan dilaksanakan termasuk yang terbaru sekatan mengimport petroleum dari Iran oleh negara-negara anggota Kesatuan Eropah (EU).
50. PR-1251-L48447
Tuan Loke Siew Fook [Rasah] minta **MENTERI DALAM NEGERI** menyatakan jumlah nilai rampasan dadah dalam kes-kes yang berjaya ditangkap oleh PDRM pada tahun 2008, 2009, 2010 dan 2011 dan apakah SOP pihak polis dalam pengendalian bahan-bahan kes tersebut.
51. PR-1251-L48153
Datuk Abd. Rahman bin Bakri [Sabak Bernam] minta **MENTERI KERJA RAYA** menyatakan syarikat kontraktor tempatan yang telah dilantik bagi projek penyelenggaraan Jalan Persekutuan yang baru di seluruh Semenanjung Malaysia setakat ini bagi menggantikan syarikat konsesi dan nyatakan sejauh manakah penjimatan kos dan peningkatan dari segi kualiti jalan yang disenggara itu.

52. PR-1251-L47600
Dato' Zulkifli bin Noordin [Kulim Bandar Baru] minta **MENTERI PERUMAHAN DAN KERAJAAN TEMPATAN** menyatakan :-
- (a) berapa peratuskah tanah/hartanah milik Melayu dan Bumiputera di kawasan bandar utama seperti Kuala Lumpur; dan
 - (b) mengapa harga rumah di kawasan bandar/pinggir bandar terlalu mahal. Apakah langkah-langkah Kerajaan untuk mengawal kegiatan spekulasi dan mengadakan harga siling bagi semua bahan binaan seperti pasir, besi, kayu dan simen.
53. PR-1251-L47674
Dato' Paduka Abu Bakar Bin Taib [Langkawi] minta **MENTERI PERTANIAN DAN INDUSTRI ASAS TANI** menyatakan :-
- (a) nyatakan prestasi projek tuna oleh Kerajaan di Pulau Langkawi; dan
 - (b) berapakah peruntukan bagi projek ini dan berapa banyakkah yang telah dibelanjakan serta jumlah tan ikan yang telah didaratkan.
54. PR-1251-L47493
Datuk Eric Enchin Majimbun [Sepanggar] minta **MENTERI KEWANGAN** menyatakan keuntungan/faedah kedua-dua pihak sejak pembelian saham MAS oleh AirAsia dan bagaimana dengan ahli lembaga dari Sabah dan beberapa penerbangan terus dari negara asing ke Sabah yang dimansuhkan.
55. PR-1251-L47992
Tuan Hee Loy Sian [Petaling Jaya Selatan] minta **MENTERI PERUMAHAN DAN KERAJAAN TEMPATAN** menyatakan :-
- (a) apakah usaha Kementerian untuk mengawal harga rumah daripada terus melambung naik terutama di kawasan sekitar Lembah Klang; dan
 - (b) adakah Kementerian berhasrat untuk meningkatkan lagi kadar Cukai Keuntungan Harta Tanah memandangkan aktiviti spekulasi kenaikan harga rumah masih berleluasa terutamanya di sekitar kawasan bandar.
56. PR-1251-L47424
Dato' Seri Dr. Abdullah bin Md. Zin [Besut] minta **MENTERI PERUMAHAN DAN KERAJAAN TEMPATAN** menyatakan apakah langkah-langkah yang telah diambil oleh pihak Kementerian dalam usaha mengenal pasti kawasan-kawasan pantai yang menjadi tumpuan orang ramai untuk berkelah, tetapi mempunyai risiko berlakunya kejadian-kejadian yang tidak diingini kepada pengunjungnya.

57. PR-1251-L47238
Datuk Seri Panglima Wilfred Mojilip Bumburing [Tuaran] minta **MENTERI DALAM NEGERI** menyatakan sama ada benar bahawa ramai daripada mereka yang menghuni rumah pangsa di Telipok Ria dan Sri Rugading di Kawasan Tuaran adalah pendatang tanpa izin yang memegang MYKad dan telah pun menjadi pengundi kawasan Tuaran.
58. PR-1251-L47408
Datuk Chua Soon Bui [Tawau] minta **PERDANA MENTERI** menyatakan :-
- (a) jumlah bilangan pengundi , pengundi baru dan pengundi pos bagi setiap Kawasan ADUN dan kawasan Parlimen di negeri Sabah sejak 3 Mac 2008 sehingga sekarang; dan
 - (b) sila berikan pecahan bilangan penambahan pengundi baru bagi setiap kawasan ADUN dan kawasan Parlimen mengikut bangsa, umur dan gender.
59. PR-1251-L48996
Datuk Haji Baharum Bin Mohamed [Sekijang] minta **PERDANA MENTERI** menyatakan kenapakah bantuan wang ihsan mangsa banjir 2011 yang tidak dapat hadir dan mengambilnya pada tarikh hari penyerahan tidak diberikan peluang untuk mengambilnya semula pada tarikh lain.
60. PR-1251-L48056
Tuan Khairy Jamaluddin [Rembau] minta **MENTERI LUAR NEGERI** menyatakan apakah langkah yang sedang dan akan dibuat oleh Kerajaan bagi membantu mereda dan menyelesaikan konflik serta pertumpahan darah di Syria yang telah mengorbankan lebih daripada 6 ribu nyawa.
61. PR-1251-L48793
Tuan Tony Pua Kiam Wee [Petaling Jaya Utara] minta **MENTERI PENGANGKUTAN** menyatakan :-
- (a) sebab Lapangan Terbang KLIA 2 dipindahkan daripada tapak asal KLIA Utara ke KLIA Barat yang telah dikenali sebagai tapak yang paling tidak sesuai untuk membina lapangan terbang; dan
 - (b) kos kerja tanah di tapak KLIA Barat dan pembinaan menara kawalan baru di KLIA 2.

62. PR-1251-L47768
Dato' Sri Haji Zulhasnan bin Rafique [Setiawangsa] minta **MENTERI LUAR NEGERI** menyatakan apakah tahap perbincangan Malaysia dengan Singapura setakat ini berkaitan kedudukan Tubir Selatan (South Ledge) yang masih belum diputuskan dan apakah strategi Kerajaan di dalam menentukan kedudukan terumbu tersebut akan terus kekal milik negara.
63. PR-1251-L47321
Tengku Razaleigh Hamzah [Gua Musang] minta **PERDANA MENTERI** menyatakan mungkinkah kerugian berjuta-juta ringgit oleh FELDA dan Sime Darby kerana pelaburan di luar negara boleh diselamatkan dan apakah langkah-langkah berkesan yang telah diambil sehingga sekarang ini.
64. PR-1251-L49047
Dato' Johari bin Abdul [Sungai Petani] minta **PERDANA MENTERI** menyatakan :-
- (a) apakah langkah-langkah yang sedang diambil oleh Kerajaan bagi memastikan perkhidmatan bas henti-henti di Bandar-bandar dan kampung-kampung beroperasi seperti biasa dan tidak terganggu akibat masalah kewangan dan pengurusan yang dihadapi oleh pengusaha bas-bas tersebut; dan
 - (b) adakah Kerajaan bercadang untuk memperkenalkan semula sistem bas mini yang dikendalikan oleh operator bebas bagi menyelesaikan masalah bas henti-henti ini.
65. PR-1251-L48360
Puan Siti Zailah binti Mohd. Yusoff [Rantau Panjang] minta **MENTERI PEMBANGUNAN WANITA, KELUARGA DAN MASYARAKAT** menyatakan jumlah anak luar nikah di seluruh negara pada tahun 2007 hingga 2010 dan berapakah jumlah dalam jagaan di rumah kebajikan di seluruh negara.
66. PR-1251-L47742
Dr. Che Rosli bin Che Mat [Hulu Langat] minta **MENTERI PENGAJIAN TINGGI** menyatakan langkah-langkah yang diambil bagi mengatasi masalah pengangguran siswazah-siswazah yang makin meningkat sekarang ini.
67. PR-1251-L48928
Puan Teo Nie Ching [Serdang] minta **PERDANA MENTERI** menyatakan gaji dan elaun Datuk Seri Najib Tun Razak dan Tan Sri Muhyiddin Yassin sebagai Perdana Menteri dan Timbalan Perdana Menteri, Ahli Parlimen, pengerusi dan pengarah yang dipegang oleh mereka.

68. PR-1251-L48229
Tuan Sivarasa A/L K.Rasiah [Subang] minta **MENTERI PERDAGANGAN ANTARABANGSA DAN INDUSTRI** menyatakan sama ada, dalam rundingan Trans-Pacific Partnership Agreement (TPPA) dan Malaysian-European Free Trade Agreement (MEUFTA) Kerajaan bercadang mengecualikan industri-industri tembakau dan farmaseutical daripada skop perjanjian yang akan ditandatangani kelak.

ATURAN URUSAN MESYUARAT DAN USUL-USUL

1. **Menteri di Jabatan Perdana Menteri** akan mencadangkan :-

“**BAHAWA** mengikut Peraturan 81 (1) Peraturan-peraturan Majlis Mesyuarat Dewan Rakyat, Majlis ini mengambil ketetapan berikut:

- (a) Jawatankuasa Pilihan Khas Mengenai Projek Lynas Advanced Materials Plant (LAMP) dilantik bagi tujuan meneliti isu-isu yang menjadi perhatian pihak awam serta standard keselamatan projek ini.
- (b) Jawatankuasa Pilihan Khas tersebut hendaklah terdiri daripada Sembilan (9) Ahli Dewan Rakyat:
 - (i) Lima (5) anggota daripada Barisan Nasional (termasuk seorang Menteri sebagai Pengerusi);
 - (ii) Tiga (3) anggota daripada Pembangkang
 - (iii) Satu (1) anggota selain daripada Barisan Nasional atau Pembangkang (Bebas).

Jika Pengerusi yang dipilih tidak hadir dalam sesuatu Mesyuarat, Jawatankuasa tersebut hendaklah memilih Pengerusi dari kalangan Anggota-anggota Jawatankuasa yang hadir yang akan memegang jawatannya hanya pada hari ia dipilih itu sahaja;

- (c) Tempoh masa pelantikan Jawatankuasa Pilihan Khas tersebut adalah selama tiga (3) bulan. Jika Jawatankuasa Pilihan Khas tersebut tidak dapat melaksanakan tugas-tugas yang diserahkan dalam tempoh tersebut, perkara ini hendaklah dibawa semula ke Majlis Mesyuarat Dewan Rakyat bagi maksud pelanjutan tempoh pelantikan;
- (d) Jawatankuasa Pilihan Khas tersebut hendaklah menyiapkan dan membentangkan penyata Jawatankuasa yang mengandungi syor-syor berkaitan dan penyata Jawatankuasa tersebut hendaklah dikemukakan kepada Majlis Mesyuarat Dewan Rakyat untuk dipersetujui atau mengikut apa-apa cara yang diperintahkan oleh Majlis Mesyuarat tersebut.”

2. **Usul dibuat oleh Yang Berhormat Dato' Lilah bin Yasin (Jempol)**
dan masalah dicadangkan :-

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Kelima, Parlimen Yang Kedua Belas.”

Menyambung semula Perbahasan atas masalah (19 Mac, 2012)

- | | | | |
|----|---|--|-----------------------------------|
| 3. | (D.R. 44/2011) | Rang Undang-undang Pembayaran dan
Adjukasi Industri Pembinaan 2011 | Bacaan Kali
Yang Kedua |
| | | [Kementerian Kerja Raya] | |
| 4. | (D.R. 1/2012) | Rang Undang-undang Pengantaraan 2012 | “ |
| | | [Menteri di Jabatan Perdana Menteri] | |
| 5. | (D.R. 2/2012) | Rang Undang-undang Institut Penyelidikan
Keselamatan Jalan Raya Malaysia 2012 | “ |
| | | [Kementerian Pengangkutan] | |
| 6. | (D.R. 37/2009) | Rang Undang-undang Cukai Barang dan
Perkhidmatan 2009 | “ |
| | | [Kementerian Kewangan] | |
| 7. | PR-1251-U47225
Datuk Dr. Marcus Mojigoh [Putatan] akan mencadangkan:- | | |

"Bahawa Dewan ini mengambil maklum bahawa oleh kerana fenomena pemanasan global cuaca pada hari ini tidak lagi dapat diramal malah kejadian banjir kilat berlaku kian kerap." Dan megambil maklum bahawa keadaan sungai yang telah menjadi cetek disebabkan oleh aktiviti alam semulajadi dan aktiviti manusia telah memburukkan lagi keadaan ini.

Dan mengambil maklum juga kebanyakan sungai-sungai tidak disenggara dengan baik dan ini juga menyumbang kepada berlakunya banjir dan banjir kilat. Juga mengambil maklum bahawa, setiap kali banjir dan banjir kilat berlaku, terutama sekali di kawasan Putatan, maka setiap kali juga ianya mendatangkan kesengsaraan dan kerugian harta benda kepada rakyat. Maka dengan ini Dewan hendaklah mengambil ketetapan untuk meminta Kerajaan, melalui Kementerian Sumber Asli dan Alam Sekitar untuk mengambil tindakan serta merta untuk memulihkan dan memperdalamkan sungai-sungai yang terdapat dikawasan Parlimen Putatan supaya kejadian banjir dan banjir kilat dapat dielakkan."

(Menteri Sumber Asli dan Alam Sekitar)

8. PR-1251-U47226

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa hubungan diplomatik Malaysia - Indonesia kerap kali berada dalam keadaan panas." Dan mengambil maklum bahawa "keadaan panas" ini memburukkan lagi oleh hasutan pihak-pihak tertentu sama ada dari Malaysia ataupun Indonesia. Dan mengambil maklum juga bahawa "keadaan panas" ini juga diburukkan lagi dengan isu-isu rentas sempadan, misalnya pertindihan sempadan, pencorobohan nelayan kedua-dua belah pihak dan lain-lain lagi isu. Maka dengan ini Dewan hendaklah mangambil ketetapan untuk meminta Kerajaan, bahawa mengatasi "keadaan panas" ini, satu jawatankuasa khas antara Parlimen Malaysia dan dewan perwakilan rakyat Republik Indonesia hendaklah ditubuhkan untuk menguruskan semula hal-hal yang boleh mengeratkan lagi hubungan dua-hala Malaysia-Indonesia."

(Menteri Luar Negeri)

9. PR-1251-U47227

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa pada masa ini, negara banyak bergantung dengan bekalan beras import bagi keperluan bekalan beras negara." Dan mengambil maklum bahawa ada kalanya bekalan ini terjejas apabila negara pembekal menghadapi bencana alam misalnya negara Thailand dan Vietnam yang dilanda banjir baru-baru ini dimana kebanyakan jelapang padi mereka musnah. Dan mengambil maklum juga bahawa dinegeri Sabah amnya dan kawasan Parlimen Putatan khususnya, terdapat banyak tanah sawah-sawah padi yang terbiar yang mempunyai potensi untuk dibangunkan.

Juga mengambil maklum bahawa, kebanyakannya pemilik tanah sawah terbiar ini adalah dahulunya pesawah-pesawah padi dan ketika ini kebanyakan sawah-sawah mereka ini tidak lagi diusahakan kerana pemilik tadi telah pun menjangkau usia lanjut dan tidak lagi bertenaga untuk mengusahakan sawah-sawah mereka. Juga mengambil maklum bahawa, sekiranya pemilik-pemilik sawah terbiar tadi dapat disatukan dalam koperasi, maka tanah sawah tadi boleh dibangunkan dan dapat menyumbangkan kepada pengurangan import beras negara. Maka dengan ini Dewan hendaklah mengambil ketetapan untuk meminta Kerajaan, bahawa Kerajaan mencari mekanisma khusus untuk menubuhkan koperasi khas dengan pemilik tanah sawah yang maksudkan supaya ianya bukan sahaja dapat menghasilkan beras keperluan negara, malah boleh meningkatkan ekonomi penduduk setempat melalui keuntungan yang dijana melalui koperasi itu kelak."

(Menteri Pertanian dan Industri Asas Tani)

10. PR-1251-U47228

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kebanyakan pelajar yang cemerlang dalam mana-mana peperiksaan persekolahan dinegara ini adalah datangnya dari kalangan murid yang berkeluarga mampu atau lebih jelas lagi mereka yang mampu untuk menghantar anak-anak mereka ke kelas bimbingan atau tuisyen." Dan mengambil maklum bahawa, sementara kebanyakan mereka yang kurang cemerlang atau terkandas dalam mana-mana peperiksaan persekolahan adalah dari kalangan mereka yang kurang dan tidak berkemampuan atau lebih jelas lagi dari kalangan keluarga miskin. Dan mengambil maklum juga bahawa kebanyakan murid-murid yang terkandas ini juga berpotensi untuk cemerlang sekiranya mereka diberikan ruang dan peluang yang secukupnya terutama sekali dari segi sokongan pembelajaran. Juga mengambil maklum bahawa, oleh kerana kemiskinan yang dilalui, kebanyakan murid-murid yang kurang cemerlang dan yang terkandas ini tidak mempunyai tempat belajar yang sesuai untuk pembelajaran di rumah mereka. Serta mengambil maklum juga bahawa, masih terdapat banyak rakyat Malaysia yang prihatin dan sanggup melakukan kerja-kerja kesukarelaan dan dalam hal pembelajaran ini, ada juga antara mereka yang sanggup untuk menjadi tutor secara percuma demi untuk kecermelangan kampung masing-masing. Kekangan program komuniti ini adalah ketiadaan tempat untuk belajar. Maka dengan ini Dewan hendaklah mengambil ketetapan untuk meminta Kerajaan melalui Kementerian Kemajuan Luar Bandar dan Wilayah untuk mendirikan balai raya khusus - Pusat Pembelajaran disetiap kampung dan diuruskan oleh pihak JKPP dimana murid-murid dari kampung setempat itu boleh menyiapkan kerja rumah dan ulang kaji di pusat pembelajaran yang dimaksudkan tersebut."

(Menteri Kemajuan Luar Bandar dan Wilayah)

11. PR-1251-U48413

Dr. Tan Seng Giaw [Kepong] akan mencadangkan:-

"Bahawa Dewan ini membahaskan pelbagai subsidi yang telah dihulurkan oleh Kerajaan Pusat setiap tahun. Dewan juga mendebatkan pembaziran dan penyelewengan yang disyaki berlaku dengan berpuluh bilion ringgit yang diperuntukkan."

(Menteri Kewangan)

12. PR-1251-U48414

Dr. Tan Seng Giaw [Kepong] akan mencadangkan:-

"Bahawa Dewan ini membincangkan berbagai-bagai faktor yang kena-mengena dengan kira-kira 400,000 guru di negara ini. Bahawa Dewan ini juga meneliti cara-cara pengambilan para calon di institusi perguruan dan penghantaran para graduannya kepada hampir 10,000 sekolah."

(Menteri Pelajaran)

13. PR-1251-U47503

Datuk Eric Enchin Majimbun [Sepanggar] akan mencadangkan:-

"Bahawa Dewan ini mengambil ketetapan dengan seriusnya mengenai fakta-fakta peristiwa untuk bahan sejarah dan bukan hanya sebagai rekod sejarah tetapi amat penting untuk dijadikan mata pelajaran di sekolah supaya generasi muda mendapat pengetahuan/fakta-fakta yang betul. Contohnya seperti fakta penubuhan negara Malaysia yang sesungguhnya bukanlah kemasukan Sabah dan Sarawak dalam Malaysia pada 16 September 1963, tokoh pejuang seperti Mat Salleh dan peristiwa tragedi nahas kapal terbang terhempas pada 6 Jun 1976 yang mengorbankan Ketua Menteri dan beberapa orang Menteri Kabinet Sabah."

(Menteri Penerangan, Komunikasi dan Kebudayaan)

14. PR-1251-U47504

Datuk Eric Enchin Majimbun [Sepanggar] akan mencadangkan:-

"Bahawa Dewan ini memandang serius dengan rampasan-rampasan tanah di seluruh negara khasnya di Sabah oleh pihak-pihak tertentu bagi perusahaan pertanian sehingga hasil pendapatan tanaman dan rumah kediaman rakyat yang mempunyai hak asasi anak negeri di Sabah telah dirampas tanpa pertimbangan dan paling menyukarkan rakyat apabila pihak-pihak tertentu tersebut dibantu oleh penguat kuasa Kerajaan."

(Menteri Sumber Asli dan Alam Sekitar)

15. PR-1251-U47505

Datuk Eric Enchin Majimbun [Sepanggar] akan mencadangkan:-

"Bahawa Dewan yang mulia ini memandang seruis terhadap pembinaan rumah-rumah bertingkat (PPR) dengan jumlah yang besar sehingga melebihi 1,000 unit di satu-satu tempat tanpa penyediaan keperluan asas seperti bekalan air, elektrik dan jalan raya serta kesesuaian lokasinya. Kerajaan seharusnya mengambil tindakan serius agar sosial, budaya dan adat resam rakyat tidak diketepikan serta kesihatan dan keselamatan haruslah dipertingkatkan."

(Menteri Perumahan dan Kerajaan Tempatan)

16. PR-1251-U47506

Datuk Eric Enchin Majimbun [Sepanggar] akan mencadangkan:-

"Bahawa Dewan ini mengambil perhatian serius dengan peningkatan penduduk yang luar biasa di Sabah bermula pada tahun 1970 hingga 2010 berbanding dengan kepadatan penduduk di seluruh negara khasnya negeri jiran di Sarawak di mana statistik pertumbuhan penduduk yang diperoleh, melalui jawapan dari Jabatan Perdana Menteri pada 16 Mac 2011 adalah seperti berikut:

<u>Tahun</u>	<u>Malaysia</u>	<u>Sarawak</u>	<u>Sabah</u>
1970	10,439,430	976,269	636,431
1980	13.1 juta	1.2 juta	1,011,040
1991	17.6 juta	1.6 juta	1,734,685
2000	22,202,614	2,012,616	2,488,348
2010	27,565,821	2,420,009	3,120,040
Kenaikan	17,126,391	1,433,740	2,483,609
Kenaikan %	165%	148%	390%

(40 tahun) Maka itu, kenaikan penduduk yang melambung tinggi di Sabah tentunya ada punca dan sebab yang sangat luar biasa jika dibandingkan dengan negeri Sarawak yang mempunyai bentuk keadaan geografinya agak mencabar berbanding dengan Sabah."

(Perdana Menteri)

17. PR-1251-U47831

Tuan Fong Kui Lun [Bukit Bintang] akan mencadangkan:-

"Bahawa Dewan yang mulia ini bersetuju supaya Kerajaan melaksanakan pengalihan jajaran MRT dari Jalan Sultan ke jajaran Stesen Pasar Seni ke Plaza Rakyat melalui Jalan Tan Cheng Lock memandangkan ianya akan menyelamatkan bangunan-bangunan lama di Jalan Sultan, Kuala Lumpur dari dirobohkan supaya dijadikan bangunan warisan, dan boleh memulihkan Plaza Rakyat yang terbengkalai masakini untuk dijadikan hab pengangkutan awam."

(Perdana Menteri)

18. PR-1251-U47832

Tuan Fong Kui Lun [Bukit Bintang] akan mencadangkan:-

"Bahawa Dewan yang mulia ini bersetuju pilihan raya Kerajaan Tempatan hendaklah dipulihkan semula termasuk permilihan Datuk-datuk Bandar bagi memenuhi hasrat dan inspirasi rakyat untuk memilih Kerajaan Tempatan sendiri."

(Menteri Perumahan dan Kerajaan Tempatan)

19. PR-1251-U47745

Tuan Kulasegaran A/L Murugeson [Ipoh Barat] akan mencadangkan:-

"Bahawa Dewan ini hendaklah mengambil maklum dan menggesa Menteri Sumber Manusia untuk menetapkan gaji minimum dengan segera".

(Menteri Sumber Manusia)

20. PR-1251-U47751

Tuan Kulasegaran A/L Murugeson [Ipoh Barat] akan mencadangkan:-

"Bahawa Dewan ini hendaklah mengambil maklum dan menggesa Menteri Pelajaran mengambil tindakan dengan segera membina enam buah sekolah baru yang telah diumumkan oleh Perdana Menteri baru-baru ini dan juga mengambil tindakan untuk meluluskan dan mendirikan sekolah baru Tamil dan Cina di bandar-bandar."

(Menteri Pelajaran)

21. PR-1251-U47366
Tuan Mohsin Fadzli bin Haji Samsuri [Bagan Serai] akan mencadangkan:-

"Bahawa Dewan ini mengkaji serta membina parkir bertingkat di kesemua kawasan hospital yang memerlukan seperti Hospital Kajang, Serdang."

(Menteri Kesihatan)

22. PR-1251-U47368
Tuan Mohsin Fadzli bin Haji Samsuri [Bagan Serai] akan mencadangkan:-

"Bahawa Dewan ini mengkaji serta membina parkir bertingkat di Putrajaya di kawasan pejabat-pejabat Kerajaan."

(Menteri Wilayah Persekutuan dan Kesejahteraan Bandar)

23. PR-1251-U47369
Tuan Mohsin Fadzli bin Haji Samsuri [Bagan Serai] akan mencadangkan:-

"Bahawa Dewan ini mengkaji serta melaksanakan supaya dibuka semula lorong tambah nilai di tol utama dan juga mengurangkan kadar bayaran komisyen touch & go."

(Menteri Kerja Raya)

24. PR-1251-U47371
Tuan Mohsin Fadzli bin Haji Samsuri [Bagan Serai] akan mencadangkan:-

"Bahawa Dewan ini mencadangkan agar diberikan kelonggaran kepada pencarum KWSP yang mengalami muflis dapat mengeluarkan wang caruman mereka bagi menyelesaikan hutang mereka walaupun mereka belum mencapai had umur 55 tahun."

(Menteri Kewangan)

25. PR-1251-U47373
Tuan Mohsin Fadzli bin Haji Samsuri [Bagan Serai] akan mencadangkan:-

" Bahawa Dewan ini mengambil maklum memandangkan kesukaran mendapatkan bantuan untuk memelihara anak, ramai wanita berkerjaya telah mengambil keputusan untuk menjadi suri rumahtangga sepenuh masa.

Maka dicadangkan supaya suatu bentuk insentif yang boleh pihak kerajaan lakukan sebagai mengenang jasa mereka. Sebagai contoh, pengurangan cukai yang lebih banyak untuk keluarga berkenaan, pengangkutan awam percuma atau pun mungkin rawatan hospital percuma."

(Menteri Pembangunan Wanita, Keluarga dan Masyarakat)

26. PR-1251-U47374

Tuan Mohsin Fadzli bin Haji Samsuri [Bagan Serai] akan mencadangkan:-

"Bahawa Dewan ini menyedari bagi memastikan setiap rakyat mendapat pembelaan, Kerajaan memperuntukkan jumlah wang yang sangat besar. Namun kita dapati subsidi yang dikeluarkan, turut dinikmati oleh mereka yang tidak sepatutnya seperti mereka yang berpendapatan tinggi dan para pekerja asing dalam negara. Maka dengan ini adalah dicadangkan supaya satu mekanisma yang sama untuk minyak diguna pakai utk pembelian beras dan gula. Ini kerana jika dapat dilakukan, penjimatan yang diperolehi dari subsidi ini boleh digunakan utk membantu yang lain seperti mengadakan insentif yang lebih baik untuk suri rumahtangga, para pesara dan kanak-kanak sekolah."

(Menteri Kewangan)

27. PR-1251-U47291

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mengutuk tindakan YB Ketua Pembangkang yang juga Ahli Parlimen Permatang Pauh yang membuat kenyataan "menyokong sebarang usaha melindungi keselamatan rejim Israel" yang disiarkan oleh media Wall Street Journal baru-baru ini yang mana kenyataan itu jelas bercanggah dengan pendirian hampir kesemua gerakan Islam; merupakan satu pengkhianatan kepada Islam dan nilai kemanusiaan sejagat; dan mengkhianati perjuangan, kebajikan, kepentingan dan keselamatan rakyat dan negara Palestin dan bercanggah dengan pendirian Kerajaan dan rakyat Malaysia selama ini yang bukan sahaja tidak mengiktiraf rejim zionis Israel, malah tidak mengadakan sebarang hubungan diplomatik dengan rejim Israel dan melarang secara rasmi mana-mana warganegara Malaysia daripada memasuki negara rejim Israel ini."

(Menteri Luar Negeri)

28. PR-1251-U47292

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan agar Kerajaan mengambil langkah supaya Jadual 9 Senarai 2 (1) Perlembagaan Persekutuan dipinda dengan membuang perkataan seperti berikut:- "tetapi tidak mempunyai bidangkuasa mengenai kesalahan-kesalahan kecuai setakat yang diberi oleh undang-undang persekutuan" dan diganti dengan perkataan berikut; "dan mempunyai bidangkuasa mengenai apa-apa jua kesalahan jenayah syarie dan lain-lain yang ditetapkan atau diperuntukkan didalam dan menurut hukum syara' dan undang-undang Islam (termasuk hudud, qisas dan ta'zir) termasuk membicarakan, memutuskan dan menghukum mana-mana orang Islam yang berkenaan menurut sabitan dan hukuman yang ditetapkan oleh hukum syara' dan undang-undang Islam serta melaksana dan menguatkuasakan apa jua hukuman dan/ atau perintah yang dikeluarkannya. Dan proviso kepada Seksyen 2, Akta Mahkamah Syariah (Bidangkuasa Jenayah) 1965 (Akta 355) hendaklah dipinda bersesuaian dengan pindaan kepada Jadual 9 Senarai 2 (1) Perlembagaan Persekutuan seperti yang dinyatakan diatas dan hendaklah berbunyi seperti berikut: Mahkamah Syariah tersebut hendaklah mempunyai bidangkuasa mengenai apa-apa jua kesalahan jenayah syarie dan lain-lain yang ditetapkan atau diperuntukkan didalam dan menurut hukum syara' dan undang-undang Islam (termasuk hudud, qisas dan ta'zir) termasuk membicarakan, memutuskan dan menghukum mana-mana orang Islam yang berkenaan menurut sabitan dan hukuman yang ditetapkan oleh hukum syara' dan undang-undang Islam serta melaksana dan menguatkuasakan apa jua hukuman dan/ atau perintah yang dikeluarkannya. Bahawa Dewan ini mengambil maklum umat Islam wajib melaksanakan syariat Islam termasuk undang-undang jenayahnya seperti hudud, qisas dan ta'zir tanpa sebarang pengubahsuaian dan pindaan seperti yang berlaku sekarang dan Dewan mengambil maklum bahawa kegagalan melaksanakan sistem perundangan Islam sepenuhnya ini akan boleh membatalkan aqidah umat Islam."

(Perdana Menteri)

29. PR-1251-U47293

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan agar Kerajaan Persekutuan mengambil langkah supaya Artikel 4 Perlembagaan Persekutuan dipinda dengan menambah perkataan seperti berikut (seperti yang dihitamkan): Perlembagaan ini adalah undang-undang utama Persekutuan dan, kecuai undang-undang dan syariat Islam, apa-apa undang-undang yang diluluskan berlawanan dengan Perlembagaan ini dan undang-undang Islam atau hukum syara' hendaklah terbatal setakat ianya berlawanan itu.

"Bahawa Dewan mengambil maklum bahawa banyak keadaan dimana hukum syara' dan syariat Islam telah terbatal dan atau tidak dapat dilaksanakan kerana Artikel 4 Perlembagaan Persekutuan ini yang meletakkan undang-undang negara mengatasi semua undang-undang dan peraturan lain termasuk undang-undang serta syariat Islam seperti pengharaman pemakaian serban di sekolah-sekolah kebangsaan, pemakaian purdah dan jilbab di jabatan-jabatan kerajaan, perlaksanaan undang-undang syarak seperti khalwat, zina, qazaf yang bercanggah dengan hukum syara' dan lain-lain."

(Perdana Menteri)

30. PR-1251-U47294
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan agar Kerajaan Persekutuan mengambil langkah segera untuk mengesahkan dan mengisytiharkan bahawa Malaysia bukan negara sekular seperti India sebaliknya sebuah negara yang mengamalkan dwi-sistem (sistem perundangan hybrid) iaitu dengan meminda Artikel 3 Perlembagaan Persekutuan dengan menambah perkataan seperti berikut (seperti yang dihitamkan): Islam adalah agama bagi Persekutuan termasuk dari segi undang-undang dan syariatnya. Bahawa Dewan mengambil maklum bahawa keputusan Mahkamah di dalam kes Che Omar Che Soh v. Pendakwaraya dan Jamaluddin Osman v. Menteri Dalam Negeri telah banyak diputarbelit dan disalahtafsir oleh golongan tertentu untuk memberi gambaran kononnya Malaysia adalah negara sekular sedangkan hakikatnya Malaysia bukanlah negara sekular sebaliknya negara yang meletakkan Islam sebagai agama bagi Persekutuan, maka dengan pindaan kepada Artikel 3 Perlembagaan Persekutuan seperti yang dicadangkan akan memperjelaskan perihal kedudukan status negara ini tanpa sebarang keraguan lagi."

(Perdana Menteri)

31. PR-1251-U47295
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Menteri di Jabatan Perdana Menteri supaya meminda Akta Mahkamah Keadilan 1964 (Courts of Judicature Act 1964) (Akta 91) dengan memasukkan peruntukkan baru di Seksyen 4 seperti berikut:- Seksyen 4A: Di dalam keadaan dimana terdapat isu dan/ atau pertikaian membabitkan dan atau melibatkan agama Islam dari segi aqidah, kepercayaan, hukum-hakam, syariat dan/atau apa juga persoalan mengenai Islam, maka Mahkamah wajiblah merujuk isu, persoalan dan/ atau pertikaian itu kepada Mahkamah Syariah untuk suatu keputusan atau penghakiman;

dan semua prosiding hendaklah ditangguhkan sehingga keputusan atau penghakiman Mahkamah Syariah itu dibuat, dan keputusan atau penghakiman Mahkamah Syariah bagi isu, persoalan dan/ atau pertikaian itu hendaklah mengikut Mahkamah tersebut. Bahawa Dewan menginsafi masalah membabitkan isu, pertikaian atau persoalan mengenai Islam jika diputuskan di Mahkamah sekular berdasarkan undang-undang sivil boleh mencetuskan salah faham dan kekeliruan. Ini berlaku kerana isu dan persoalan membabitkan kefahaman terhadap undang-undang dan syariat Islam dalam konteks syariah dan Islam tidak difahami, dihayati dan diinsafi oleh Mahkamah sekular yang membicara dan memutuskan sesuatu isu tersebut menurut peruntukkan undang-undang sivil yang terbatas dan terhad kepada pembicaraan soal perundangan sekular semata-mata, malahan menolak untuk menerima pakai kefahaman syarie dan Islam. Sebenarnya inilah yang telah berlaku di dalam kes Maria Hertogh @ Natrah pada tahun 1950 apabila Mahkamah sivil Singapura yang mengguna pakai undang-undang sivil British menolak untuk menerima pakai undang-undang Islam dan syariatnya dengan menolak aqidah dan keislaman Natrah dan perkahwinan Natrah dengan Almarhum Mansor Adabi yang mana menurut undang-undang Islam dan hukum syara' keislaman dan perkahwinan Natrah adalah sah kerana beliau sudah aqil baligh mengikut hukum syarak dan merupakan seorang mukallaf dan hukum taklif berlaku kepada beliau. Begitu juga di dalam beberapa kes dimana Islam melihat sesuatu isu itu dari segi aqidah, tetapi Mahkamah sekular melihatnya dari sudut istilah dan perundangan sivil. Sekiranya peruntukkan seperti yang dicadangkan di atas wujud, maka Dewan menginsafi bahawa isu ini akan dapat diselesaikan dengan baik menurut peruntukkan undang-undang yang terpakai bagi isu tersebut."

(Perdana Menteri)

32. PR-1251-U47296

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan agar Kerajaan Persekutuan mengambil langkah supaya Artikel 11 (1) Perlembagaan Persekutuan dipinda dengan menambah perkataan seperti berikut (seperti yang dihitamkan): Tiap-tiap orang adalah berhak menganuti dan mengamalkan ugamanya, termasuk menukar agamanya kecuali bagi penganut agama Islam yang hendaklah tertakluk kepada undang-undang dan syariat Islam. Bagi maksud penganut agama Islam, soal kemasukan dan kemurtadan dari agama Islam hendaklah ditentukan oleh Mahkamah Syariah yang mempunyai bidang kuasa mutlak keatasnya.

Bahawa Dewan ini mengambil maklum bahawa walaupun Mahkamah Persekutuan di dalam beberapa kes termasuk Azlina Jailani @ Lina Joy v. Majlis Agama Islam Wilayah Persekutuan dan Jabatan Pendaftaran Negara memutuskan bahawa dalam hal ehwal dan permasalahan kemasukan atau kemurtadan daripada Islam hanya Mahkamah Syariah mempunyai bidang kuasa dan Mahkamah sekular tidak boleh mempunyai apa-apa bidangkuasa menurut Artikel 121 (1A), namun masih lagi ada pihak yang mempertikaikan dan membawa kes seumpama ini ke Mahkamah sekular dimana dalam kes melibatkan seorang Punjabi Muslim mayatnya terlantar di Hospital Sg. Buloh, Selangor selama sebulan kerana Mahkamah Sivil masih mahu mendengar kes-kes seumpama ini, sedangkan merupakan fardhu kifayah ke atas umat Islam untuk menyegerakan pengurusan dan pengkebumian jenazah mana-mana orang Islam yang telah meninggal dunia. Dengan adanya peruntukkan seumpama di atas maka isu seperti ini tidak akan berbangkit lagi."

(Perdana Menteri)

33. PR-1251-U47297

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mendesak supaya Mahkamah sekular yang diwujudkan menurut Artikel 121 Perlembagaan Persekutuan menghormati dan tidak mencampuri hak dan bidang kuasa Mahkamah Syariah yang diperuntukkan menurut Artikel 121 (1A) Perlembagaan termasuk hak dan bidangkuasa mutlak menentukan siapa yang boleh diterima masuk dan didaftarkan sebagai seorang Peguam Syarie. Ini adalah kerana kalau Mahkamah sekular tersebut mencampuri urusan hak dan bidangkuasa Mahkamah Syariah dalam penentuan kemasukan dan pendaftaran peguam syarie, apakah itu bermakna Mahkamah Syariah boleh mencampuri urusan hak dan bidangkuasa Mahkamah sekular untuk penentuan kemasukan dan pendaftaran seseorang peguam sekular di Mahkamah sekular."

(Perdana Menteri)

34. PR-1251-U47298

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan supaya undang-undang yang berkaitan dipinda untuk memberi pilihan dan opsyen kepada mana-mana individu beragama Islam yang dikenakan sebarang pertuduhan jenayah untuk memilih forum perbicaraan di Mahkamah Syariah yang berbidangkuasa berdasarkan peruntukan undang-undang yang ada dimana-mana Akta atau Enakmen Syariah seperti pertuduhan liwat dan lain-lain. Ini adalah kerana seorang Muslim berhak untuk dibicarakan menurut undang-undang Islam demi menjaga aqidah dan syariat seseorang Muslim itu."

(Perdana Menteri)

35. PR-1251-U47299
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri dan Kerajaan Malaysia supaya memberikan anugerah Tokoh Maal Hijrah 1434 (Peringkat Antarabangsa) ataupun Tokoh Perdana Maulidur Rasul 1434 (Peringkat Antarabangsa) kepada saudara Yusuf Islam @ Cat Steven bagi mengenang jasa saudara Yusuf Islam yang telah memberi sumbangan besar kepada usaha menyebarkan risalah Islam dan kerja-kerja dakwah ke seluruh dunia."

(Perdana Menteri)

36. PR-1251-U47300
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri dan Kerajaan Malaysia supaya memberikan anugerah darjah kebesaran yang membawa gelaran "TUN" secara "post-humous" (dengan izin) kepada Allahyarham Sahibul Fadhilah Sheikh Muhammad Idris Al Marbawi dan Allahyarham Sahibul Fadhilah Sheikh Abdullah Bin Basmeih dan menubuhkan kerusi khas atas nama mereka dimana-mana Universiti terpilih bagi mengenang jasa mereka yang besar kepada usaha memartabatkan dan memajukan pengembangan dakwah dan ilmu Islam melalui karya-karya besar mereka dan lain-lain usaha yang telah mereka lakukan."

(Perdana Menteri)

37. PR-1251-U47301
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri dan Kerajaan Malaysia supaya memberikan anugerah darjah kebesaran yang membawa gelaran Tan Sri secara "post-humous" (dengan izin) kepada Allahyarham Sasterawan Negara Usman Awang bagi mengenang jasa beliau yang besar kepada usaha memartabatkan dan memajukan bahasa Melayu melalui karya-karya besarnya dan lain-lain usaha yang telah Allahyarham lakukan."

(Perdana Menteri)

38. PR-1251-U47302
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri, YAB Menteri-Menteri Besar dan Kerajaan Persekutuan serta Kerajaan Negeri supaya melakukan semakan semula senarai penerima anugerah kebesaran persekutuan atau negeri dengan tujuan untuk dilakukan pembersihan termasuk menarik balik dan/ atau membatalkan anugerah dan gelaran yang diberi kepada mereka yang telah dan/ atau pernah disabitkan dengan sebarang kesalahan jenayah dan yang didaftarkan di Pusat Pendaftaran Penjenayah (*Criminal Registration Center*)."

(Perdana Menteri)

39. PR-1251-U47303
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan supaya satu kajian dibuat dengan tujuan menggubal undang-undang yang bersesuaian untuk memansuhkan keperluan mengadakan pilihan raya kecil bagi kerusi yang kosong atau dikosongkan oleh mana-mana wakil rakyat sama ada di peringkat Parlimen ataupun Dewan Undangan Negeri termasuk kemungkinan memberikan kerusi yang kosong atau dikosongkan itu kepada parti yang telah memenanginya semasa pilihan raya umum untuk menentukan calon yang mengganti dan/ atau mengisi kekosongan tersebut. Ini sekaligus dapat mengelakkan keperluan mengadakan pilihan raya kecil yang melibatkan kos yang tinggi dan menyebabkan masyarakat Malaysia terlibat dengan kegiatan politik tanpa kesudahan."

(Perdana Menteri)

40. PR-1251-U47304
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Kerajaan Persekutuan dengan kerjasama semua Kerajaan Negeri supaya melantik seorang Mufti Negara sebagai Ketua bagi dan dengan kuasa dan autoriti mengatasi kesemua Mufti-Mufti dan menjadi Pengerusi bagi Majlis Fatwa Kebangsaan dengan tanggungjawab dan menjawab hanya kepada Yang DiPertuan Agong dan Majlis Raja-Raja.

Selanjutnya Dewan ini megambil ketetapan mendesak Kerajaan supaya memberi kuasa dan bidangkuasa jelas kepada Majlis Fatwa Kebangsaan untuk menguatkuasa dan melaksanakan fatwa-fatwa yang dikeluarkannya dan mana-mana orang yang mempersoalkan dan/ atau mempertikaikan Fatwa-fatwa tersebut hendaklah dianggap melakukan penghinaan terhadap agama Islam dan diambil tindakan tegas menurut Seksyen 298A Kanun Keseksaan atau di bawah mana-mana undang-undang (Persekutuan atau Negeri)."

(Perdana Menteri)

41. PR-1251-U47305

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil langkah mengiktiraf Palestin sebagai sebuah negara yang berdaulat dan merdeka mengikut persempadanan sebelum tahun 1967 dan menubuhkan sebuah jawatankuasa caucus khusus untuk menangani dan memantau dan mengambil langkah-langkah berkaitan dengan masalah Palestin dan menamakan badan ini sebagai "Jawantankuasa Caucus bagi Palestin" dengan melantik YB Kepala Batas (atau mana-mana Ahli Parlimen yang dipertimbangkan sesuai) sebagai Pengerusi Caucus tersebut dan selanjutnya Dewan ini mendesak Kerajaan Mesir supaya membuka semula pintu Rafah dan memberi kebebasan keluar/ masuk kepada rakyat Palestin dan tidak menghalang sebarang usaha-usaha bantuan kemanusiaan oleh mana-mana pihak; dan juga mendesak rejim zionis Israel supaya segera mengembalikan hak rakyat Palestin dan mengiktiraf Negara Islam Palestin sebagai negara yang merdeka dan berdaulat dan Baitulmaqdis sebagai ibu negeri Negara Islam Palestin."

(Menteri Luar Negeri)

42. PR-1251-U47306

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil langkah untuk menubuhkan sebuah Jawatankuasa Khas Kabinet dengan segera khusus untuk menangani dan memantau dan mengambil langkah-langkah bersepadu dan berkesan berkaitan dengan hal ehwal masyarakat India dan penganut agama Hindu dengan tujuan untuk memantapkan kedudukan ekonomi mereka dan hal masalah peribadatan mereka termasuk penyelenggaraan dan pengurusan kuil-kuil mereka dan menyelesaikan permasalahan kewarganegaraan dan kad pengenalan mereka dan dinamakan sebagai Jawatankuasa Khas Kabinet bagi Hal Ehwal Masyarakat India dengan melantik Timbalan Perdana Menteri sebagai Pengerusi Jawatankuasa Khas tersebut."

(Perdana Menteri)

43. PR-1251-U47307
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Kementerian Pelajaran supaya dengan serta-merta menubuhkan sebuah Majlis Buku Negara dengan peruntukan yang mencukupi dan segera menggubal Dasar Buku Negara dan Akta Buku serta mengambil semua langkah yang munasabah dan praktikal untuk membantu, menggalakkan, membangunkan dan memajukan industri buku negara. Selanjutnya Dewan juga membuat ketetapan supaya Dasar Buku Negara seperti yang telah dimaktubkan segera dilaksanakan sepenuhnya dan mencapai matlamat yang disasarkan dalam Dasar Buku Negara tersebut."

(Menteri Pelajaran)

44. PR-1251-U47308
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Kerajaan Persekutuan supaya mengambil langkah menyiarkan dan mewajibkan siaran azan pada tiap-tiap waktu solat fardu yang lima di kesemua tempat awam tanpa sebarang sekatan dan/atau halangan. Ini adalah kerana sebagai sebuah negara yang meletakkan Islam sebagai agama Persekutuan seperti yang dimaktubkan oleh Artikel 3 Perlembagaan Persekutuan, maka adalah penting untuk syiar Islam dimartabatkan."

(Perdana Menteri)

45. PR-1251-U47309
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Menteri Hal Ehwal Dalam Negeri mengambil langkah supaya kesemua banduan dan tahanan yang disabit dan dikenakan hukuman penjara sepanjang hayat hendaklah dikurangkan hukuman penjara tidak melebihi 20 (dua puluh tahun) dan bagi yang telah menjalani hukuman melebihi jumlah 20 tahun tersebut (setelah ditolak cuti dan kelakuan baik) hendaklah dibebaskan dengan serta-merta."

(Menteri Dalam Negeri)

46. PR-1251-U47310
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil langkah mendesak Menteri Pengangkutan supaya mengarahkan dan/ atau mengenakan syarat kepada syarikat penerbangan Malaysia Airlines , AirAsia atau mana-mana syarikat penerbangan dalam negeri ini supaya membenarkan kakitangan wanitanya terutama pramugari yang beragama Islam membuat pilihan untuk memakai pakaian-pakaian seragam yang mematuhi hukum syarak termasuk untuk memakai tudung dan pakaian menutup aurat dan boleh memilih untuk tidak menyediakan dan atau menyediakan arak semasa dalam penerbangan."

(Menteri Pengangkutan)

47. PR-1251-U47311
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Menteri Pengangkutan melarang dan/ atau mengenakan syarat kepada syarikat Penerbangan Malaysia supaya menghentikan penjualan arak dan lain-lain minuman keras dan yang memabukkan semasa di dalam penerbangan."

(Menteri Pengangkutan)

48. PR-1251-U47312
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Menteri Perdagangan Dalam Negeri, Koperasi dan Kepenggunaan hanya membenarkan penjualan arak, minuman keras dan yang memabukkan dalam apa bentuk sekalipun hanya dipremis-premis khas yang dilesenkan dan hanya khusus untuk masyarakat bukan Islam sahaja; sebagaimana premis khas untuk penjualan nombor ekor, tempat perjudian dan daging babi dan lain-lain; dan tidak melesenkan kedai-kedai runcit atau serbaneka daripada menjual arak dan/ atau apa-apa minuman keras dan yang memabukkan dipremisnya. Dewan ini mengambil maklum banyak kes terjadi dimana remaja dan belia beragama Islam yang menyalahgunakan penjualan arak dan minuman beralkohol serta kemudahan kondom di kedai-kedai serbaneka ini untuk kegiatan tidak berakhlak dan bermoral, yang akhirnya membawa kepada timbulnya gejala sosial yang serius seperti kegiatan merempit yang melampau, perzinaan, perogolan dan kesalahan seksual dan kes pembuangan bayi."

(Menteri Perdagangan Dalam Negeri, Koperasi dan Kepenggunaan)

49. PR-1251-U47313
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Perdana Menteri supaya dengan segera mewujudkan Kementerian Hal Ehwal Sabah & Sarawak (atau singkatannya "KHASS") dengan seorang Menteri berjawatan penuh untuk menjaga hal ehwal pembangunan, infrastruktur, kebajikan dan kepentingan rakyat Sabah & Sarawak termasuk memberi portfolio berkaitan Koridor Ekonomi Sabah/ Sarawak, dan kesemua agensi pembangunan Persekutuan mestilah melalui Kementerian ini supaya segala projek pembangunan & infrastruktur di Sabah dan Sarawak dapat diselaraskan dan dikawal selia serta dipantau dengan lebih berkesan."

(Perdana Menteri)

50. PR-1251-U47314
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mencadangkan kepada Menteri di Jabatan Perdana Menteri supaya mengkaji dan melaksanakan projek membesarkan dan membaikpulih Masjid Jamek Bandaraya Kuala Lumpur termasuk membina mihrab dan mimbar baru yang bersesuaian, menurap keseluruhan tapak Masjid tersebut dengan marmar sebagaimana yang dibuat di Masjidil Haram dan Masjid Nabawi serta memperkukuhkan bumbung Masjid tersebut agar dapat menampung jemaah untuk mengerjakan solat terutamanya solat Jumaat dan kedua Eidulfitri & Eiduladha memandangkan pertambahan jemaah yang semakin meningkat mutakhir ini."

(Perdana Menteri)

51. PR-1251-U47315
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Kementerian Dalam Negeri dan Kementerian Sumber Manusia supaya mengeluarkan larangan terhadap mana-mana pembantu rumah asing yang beragama Islam daripada bekerja dengan mana-mana majikan yang bukan beragama Islam. Ini adalah kerana terdapat banyak aduan pembantu-pembantu rumah asing yang beragama Islam yang dipaksa memakai pakaian bercanggah dengan Islam seperti berseluar pendek, memakan makanan dan minuman yang haram seperti babi dan arak, serta dipaksa memandikan dan membela anjing dan tinggal dipersekitaran dan suasana yang jelas bercanggah dan/ atau tidak bersesuaian dengan seorang Muslim."

(Menteri Sumber Manusia)

52. PR-1251-U47316

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini ini mengambil ketetapan mencadangkan kepada Kementerian Kewangan supaya membenarkan pencarum KWSP yang beragama Islam mengeluarkan simpanan mereka bagi tujuan mengerjakan ibadah haji bagi diri mereka dan keluarga terdekat sekurang-kurangnya sekali dalam seumur hidup mereka walaupun belum mencapai umur persaraan 55 tahun; Selanjutnya Dewan juga mengambil ketetapan mendesak Kementerian Kewangan supaya segera mengambil langkah memansuhkan Seksyen 167 Akta Insurans dan Peraturan 6 Peraturan KWSP 2001 yang banyak menimbulkan masalah dan disalahgunakan oleh penama yang dinamakan sebagai benefisiari kerana banyak kes dimana penama apabila menerima wang caruman daripada KWSP telah tidak membahagikan wang tersebut menurut syara' dan hukum faraid; atau sebagai alternatif mengenakan syarat kepada pengurusan KWSP supaya wang caruman simati tidak dibayar kepada penama kecuali mereka telah mengemukakan sijil faraid daripada Mahkamah Syariah dan pembayaran dibuat oleh KWSP terus kepada waris-waris yang dinamakan di dalam sijil faraid yang dikeluarkan oleh Mahkamah Syariah yang berbidangkuasa tersebut."

(Menteri Kewangan)

53. PR-1251-U47317

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Kementerian Pertahanan supaya mewujudkan kem-kem Program Latihan Khidmat Negara (PLKN) yang mengambil hanya pelatih wanita sahaja sebagai pilihan bagi mereka dan ibu-bapa yang mahukan anak perempuan mereka diasingkan kerana terlalu banyak aduan pelatih-pelatih wanita yang melalui pengalaman diganggu oleh sama ada pelatih atau petugas lelaki sehingga ada yang ke peringkat mencabul, mendera dan merogol; ramai ibu-bapa yang mengadu anak perempuan mereka yang apabila kembali daripada PLKN berubah menjadi terlalu terbuka dalam pergaulan dan perhubungan dengan lelaki walaupun sebelum ke PLKN anak-anak mereka sangatlah bersopan dan menjaga akhlak dan batasan pergaulan dengan lelaki; Selanjutnya Dewan mengambil ketetapan mendesak Kementerian Pertahanan supaya menerapkan dalam silibus latihan kepada pelatih-pelatih beragama Islam modul nilai Islam seperti mewajibkan solat jemaah pada tiap waktu solat fardu, qiamullail dan tahajjud, dan melatih mereka supaya mengimarahkan masjid dengan selalu mengadakan program qiamullail dimana-mana masjid berhampiran kem PLKN,

yang mana ini akan bukan sahaja menjalinkan ukhwah dan persaudaraan dengan masyarakat sekeliling, ianya juga akan memperkukuh dan memperkuat aspek spiritual dan kerohanian pelatih-pelatih PLKN."

(Menteri Pertahanan)

54. PR-1251-U47318

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mencadangkan kepada Kementerian Dalam Negeri, dengan kerjasama Jabatan Perdana Menteri (Bahagian Hal Ehwal Islam) supaya mengkaji kepada keperluan mewujudkan sebuah pusat tahanan, penjara dan/ atau tempat pelaksanaan hukuman bagi mereka yang disabit dan dijatuhkan hukuman oleh mana-mana Mahkamah Syariah yang berbidangkuasa memandangkan tiadanya pusat tahanan, penjara dan/ atau tempat pelaksanaan hukuman bagi pesalah-pesalah syarie seperti yang kita persaksikan dalam kes Kartika Sari Dewi Syukarno. Dewan mengambil perhatian bahawa pelaksanaan hukuman bagi pesalah syarie adalah sangat berbeza dari tujuan, matlamat dan bentuk hukuman bagi pesalah syarie berbanding dengan pesalah di Mahkamah Sivil."

(Menteri Dalam Negeri)

55. PR-1251-U48773

Tuan John A/L Fernandez [Seremban] akan mencadangkan:-

"Bahawa Dewan ini dapat membahaskan agar undang-undang digubal untuk mewajibkan kesemua calon tidak kira dari pihak Kerajaan atau pihak pembangkang yang bakal bertanding pada pilihan raya umum yang ke 13 akan datang untuk mengisytiharkan harta mereka kepada umum sebelum hari penamaan calon."

(Perdana Menteri)

56. PR-1251-U48776

Tuan John A/L Fernandez [Seremban] akan mencadangkan:-

"Bahawa Dewan ini dapat membincangkan agar Kerajaan menubuhkan satu tabung untuk pendidikan yang memberi pinjaman kepada pelajar-pelajar di mana pendapatan ibu bapa mereka kurang daripada RM 3000 seisi rumah tanpa dikenakan faedah dan mereka hanya perlu memulangkan jumlah yang dipinjam sahaja."

(Menteri Pelajaran)

57. PR-1251-U48778

Tuan John A/L Fernandez [Seremban] akan mencadangkan:-

"Bahawa Dewan ini dapat mengambil keputusan untuk mengadakan satu bentuk kawalan harga rumah yang semakin lama semakin melambung terlalu tinggi dan menyukarkan rakyat untuk memiliki rumah sendiri."

(Menteri Perumahan dan Kerajaan Tempatan)

58. PR-1251-U48779

Tuan John A/L Fernandez [Seremban] akan mencadangkan:-

"Bahawa Dewan ini dapat mencadangkan supaya setiap Majlis Perbandaran atau pihak yang relevan untuk memantau masalah pengaliran dan saliran di setiap bandar untuk mengelakkan masalah banjir yang kerap berlaku di kebanyakan bandar-bandar akibat hujan lebat dan ini menyebabkan kerosakan harta benda dan kerugian yang amat tinggi."

(Menteri Sumber Asli dan Alam Sekitar)

59. PR-1251-U48782

Tuan John A/L Fernandez [Seremban] akan mencadangkan:-

"Bahawa Dewan ini dapat mengambil keputusan supaya satu undang-undang dapat digubal untuk memastikan sesiapa yang menukar agama wajib memberitahu keluarga mereka mengenai pertukaran agama mereka untuk mengelakkan masalah perebutan jenazah apabila mereka yang menukar agama meninggal dunia."

(Perdana Menteri)

60. PR-1251-U48784

Tuan John A/L Fernandez [Seremban] akan mencadangkan:-

"Bahawa Dewan ini dapat mencadangkan supaya Kerajaan Negeri yang mengeluarkan minyak mentah dinaikkan kadar royalti mereka kepada 20%."

(Perdana Menteri)

61. PR-1251-U48800

Tuan John A/L Fernandez [Seremban] akan mencadangkan:-

"Bahawa Dewan ini mengambil keputusan untuk meminta Kerajaan Malaysia untuk membina lebih banyak lagi sekolah cina dan sekolah tamil yang baru yang lengkap dengan sistem pembelajaran berasaskan internet, manakala sekolah-sekolah yang sedia ada dilengkapi dengan sistem pembelajaran berasaskan internet."

(Menteri Pelajaran)

62. PR-1251-U48805

Tuan John A/L Fernandez [Seremban] akan mencadangkan:-

"Bahawa Dewan ini dapat membincangkan mengenai kos kehadiran di Mahkamah Rendah bagi Peguam yang kini ditetapkan pada kadar RM 25 dinaikkan kepada RM 50."

(Perdana Menteri)

63. PR-1251-U48816

Tuan John A/L Fernandez [Seremban] akan mencadangkan:-

"Bahawa Dewan ini membahaskan setakat mana berkesannya peranan yang dimainkan oleh Institut Integriti Malaysia dalam membasmi masalah sosial di kalangan pihak Belia dan remaja seperti penagihan dadah, Mat Rempit dan lumba haram, gangsterisme dan kongsi gelap, pencabulan kehormatan dan gangguan seksual di tempat kerja (sexual harassment), penggunaan bahasa-bahasa lucah dan tidak sopan, kurangnya rasa hormat kepada ibu bapa, guru dan orang tua dan sebagainya."

(Perdana Menteri)

64. PR-1251-U48822

Tuan John A/L Fernandez [Seremban] akan mencadangkan:-

"Bahawa Dewan ini mencadangkan supaya Kerajaan membuat keputusan untuk mengurangkan kehadiran pekerja asing di negara ini. Kehadiran mereka kini adalah tidak terkawal menyebabkan peluang pekerjaan warga tempatan tergugat dan masalah sosial dan jenayah disebabkan oleh warga asing meningkat."

(Menteri Dalam Negeri)

65. PR-1251-U47810

Tuan Liew Chin Tong [Bukit Bendera] akan mencadangkan:-

"Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi 100 juta oleh MINDEF, mesti dibawa ke Parlimen dibahas dan diaudit oleh Jabatan Audit Negara supaya untuk syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Jet Sukhoi dan Kapal Selam Scorpene telah menimbulkan banyak persepsi negatif terhadap negara."

(Menteri Pertahanan)

66. PR-1251-U48724

Tuan Gwo-Burne Loh [Kelana Jaya] akan mencadangkan:-

"Bahawa Dewan ini mengambil maklum bahawa Kerajaan Malaysia sebagai anggota Majlis Hak Asasi Manusia Bangsa-Bangsa Bersatu dalam menguatkuasa Resolusi 62/149 Bangsa-Bangsa Bersatu mengenai Moratorium terhadap Hukuman mati yang telah dikuatkuasakan oleh Perhimpunan Agong Bangsa-Bangsa Bersatu pada 18 Disember 2007 dimana negara-negara yang masih mengamalkan hukuman mati diminta untuk menghentikan penggunaan hukuman mati dan mengurangkan jumlah hukuman-hukuman yang membawa hukuman mati secara berperingkat dan melaksanakan moratorium terhadap kesemua hukuman-hukuman mati dengan hasrat untuk menghapuskan hukuman ini sama sekali. Maka dengan ini Dewan hendaklah mengambil ketetapan untuk meminta Kerajaan melalui Kementerian Luar untuk membantu mematuhi moratorium tersebut dan meminda undang-undang yang bercanggah dengan moratorium tersebut."

(Menteri Luar Negeri)

67. PR-1251-U48728

Tuan Gwo-Burne Loh [Kelana Jaya] akan mencadangkan:-

"Bahawa Dewan ini menubuhkan sebuah Suruhanjaya DiRaja Siasatan Kes Kematian Tujuh Warga Pekerja Asing pada hujung Mei 2009 akibat kerja perobohan Jaya Supermarket, Petaling Jaya. Daripada siasatan yang dijalankan, kerja perobohan tersebut tidak mendapat kelulusan Jabatan Keselamatan dan Kesihatan Pekerjaan (DOSH)."

(Perdana Menteri)

68. PR-1251-U48730

Tuan Gwo-Burne Loh [Kelana Jaya] akan mencadangkan:-

"Bahawa Dewan ini mendesak Suruhanjaya Intergriti Penguatkuasaan (SIAP) menjalankan siasatan ke atas Adik Aminulrasyid yang ditembak mati oleh anggota polis. Dewan juga mendesak mengenai perlantikan panel khas di dalam siasatan kes ini. Polis didakwa menyalahgunakan senjata api sehingga menyebabkan Aminulrasyid terbunuh oleh polis. Daripada siasatan dan perbincangan yang dijalankan, banyak pihak tidak berpuas hati dengan perjalanannya dan diharap agar suruhanjaya ini mampu untuk menjawab pelbagai spekulasi."

(Perdana Menteri)

69. PR-1251-U47677

Datuk Chua Soon Bui [Tawau] akan mencadangkan:-

"Bahawa Dewan yang mulia ini membincang sebab-sebabnya mengapa Kementerian serta MCMC belum lagi berusaha atau mengambil sebarang tindakan drastik untuk menyelesaikan masalah gangguan perkhidmatan Internet yang terlalu lama tertunggak di Sabah terutama sekali di Tawau. Memandangkan pembekal-pembekal perkhidmatan Internet yang bermonopoli telah gagal memberi perkhidmatan berterusan dan memuaskan di Sabah selama banyak tahun ini, Kementerian seharusnya bertanggungjawab kepada rakyat dan membenarkan lebih ramai pembekal perkhidmatan Internet meningkat dan menambahbaik perkhidmatan Internet di Sabah."

(Menteri Penerangan, Komunikasi dan Kebudayaan)

70. PR-1251-U47687

Datuk Chua Soon Bui [Tawau] akan mencadangkan:-

"Bahawa Dewan yang mulia ini membincangkan masalah terlalu lama tertunggak iaitu kegagalan Kementerian dalam menyediakan guru-guru Cina dan yang fasih dalam bahasa Cina untuk mengajar di SJK(C) di Malaysia terutama sekali di Sabah sedangkan ianya satu-satunya obligasi dan tanggungjawab Kementerian dan Kerajaan. Apakah tindakan-tindakan yang akan diambil Kementerian untuk mengatasi masalah di atas agar tidak menyingkirkan pendidikan bantuan Kerajaan yang seterusnya akan menjejaskan mutu dan pembangunan pendidikan SJK(C) di Malaysia."

(Menteri Pelajaran)

71. PR-1251-U47697

Datuk Chua Soon Bui [Tawau] akan mencadangkan:-

"Bahawa Dewan yang mulia ini mengambil ketetapan mendesak supaya Kerajaan mengambil tindakan tegas untuk melindungi kepentingan Hak Adat Natif (NCR) dan Hak Tanah Adat Natif di Sabah, memandangkan lebih daripada 800 aduan telah diserahkan kepada SUHAKAM berhubung pengusiran dari tanah adat dan tanah-tanah itu diberi kepada syarikat-syarikat besar, walaupun ramai orang natif telah menunjukkan bukti yang mencukupi terhadap pemilikan tanah mereka itu di bawah Hak Tanah Adat Natif."

(Menteri Sumber Asli dan Alam Sekitar)

72. PR-1251-U47710

Datuk Chua Soon Bui [Tawau] akan mencadangkan:-

"Bahawa Dewan yang mulia ini membincangkan pelan tindakan dan jangka masa penubuhan sebuah Suruhanjaya Penyiasatan DiRaja (RCI) berhubung pendatang-pendatang tanpa izin di Sabah, yang seharusnya meliputi wakil-wakil orang awam, serta mengumumkan kesan-kesan negatif dan ancaman kepada rakyat Sabah sebelum pilihan raya umum yang ke-13."

(Menteri Sumber Asli dan Alam Sekitar)

73. PR-1251-U47712

Datuk Chua Soon Bui [Tawau] akan mencadangkan:-

"Bahawa Dewan yang mulia ini membincang cadangan untuk menubuhkan satu penyiasatan bebas berhubung banyak aduan terhadap banyak kejadian kematian dan kecuai perubatan di hospital-hospital Kerajaan Sabah, terutama sekali berhubung kelewatan rawatan perubatan bagi seorang budak lelaki yang berumur 7 tahun, seorang lelaki berumur 21 tahun yang tersalah diagnos di Tawau, dan kecuai dalam pentadbiran ubat kemoterapi di Kota Kinabalu, supaya penyiasatan ini adil saksama dan keputusan penyiasatan ini dapat diumumkan secara terbuka dengan persetujuan keluarga-keluarga yang terlibat."

(Menteri Kesihatan)

74. PR-1251-U47720

Datuk Chua Soon Bui [Tawau] akan mencadangkan:-

"Bahawa Dewan yang mulia ini membincangkan tindakan-tindakan segera yang diambil untuk memastikan bahawa tiada sebarang hospital Kerajaan di Sabah yang menghadapi sebarang gangguan bekalan elektrik atau air memandangkan gangguan-gangguan bekalan elektrik baru-baru ini di Hospital Queen Elizabeth di Kota Kinabalu selama lebih daripada tiga jam berterusan dan sebilangan pesakit kritikal terpaksa dipindahkan ke Hospital Queen Elizabeth Kedua (QEH2)."

(Menteri Kesihatan)

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2012</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.11	Laporan Tahunan dan Penyata Kewangan Yayasan Laporan Kewangan Bagi Tahun 2010.	20 Mac 2012
ST.25	Laporan Tahunan dan Penyata Kewangan Dewan Bahasa dan Pustaka Bagi Tahun 2010.	20 Mac 2012